

در سعادته نسخہ سی

۱۰۰ پارہ در

—0000—

شرائط اشترا

ولایتہ سنہ لکی ۱۵۰ آلتی
آلتی ۸۰ غروش اولوب اوچ
آلتی یوقدر . قیرلہ دن مقوا
بوروایلہ کوندرلک ایچون سنوی
یکرمی غروش فضلہ آلتیر .

صاحب امتیاز و مدیری

احمد احسان

—0000—

شرائط اشترا

در سعادته سنہ لکی ۱۳۰ .
آلتی آلتی ۷۵ ، اوچ آلتی
۴۰ غروشدر . پوستہ ایلہ
کوندربلیرسہ ولایات بدلی
اخذ اولنور .

سرفتون

پنجشنبه کونلری چیقار منافع ملک و دولته خادم مصور عثمانلی غزته سی

N° : 687

Directeur-propriétaire

Ahmed IHSAN

SERVETIFUNOUN

JOURNAL ILLUSTRÉ TURC PARAISSANT LE JEUDI
CONSTANTINOPLE

14^{me} année


BUREAUX :

78, Grand' rue de la
Sublime Porte

اون دردنجی سنہ — یکرمی بدنجی جلد

پنجشنبه — ۱۰ حیران سنہ ۱۳۲۰

عدد : ۶۸۷




جلال آثار حضرت خلافتپناہیدن حمیدہ حجاز دمیر یولی دکرہ ربط ایتمک اوزرہ حیفاہ قدر تمید قلنان شعبہ خطنک حیفاہ کی اسکھسی انشا آتی
[اشبو رسم بر آی اقدم چیقارلشدر]

Les travaux du chemin de fer de Hédjaz, la jetée de Kaïfa.

روسہ و ژاپونیا محاربہ سنہ عائد خلاصہ وقایع و تفصیلات قسم سیاسیمزدہ مندرجدر





تکوار تصویر ایتمکدن ایسه اشته اوزمانکی یازدیغم سطرلری و مرحوم ومغفورک لطفاً و نزاگه کوندرمش اولدینی برالتفاتنامه یی تکراردرج صحیفه افتخار ایلورم .

احمد احسان

۲۷۵ نومرولی ثروت فنون نسخہ سی مرحوم مشارالیهک آتیده کی تذکره سبله باشلیور ایدی :

« ذات عالی ادیبانه لرینک ادیبانه ک ترقیسنه اولان خدمات و علی الخصوص ونفاست طبعک خطره دخی تطبیقه ذوق سلیم اصحابیچون » لذت و آرزو ایلله اله آلتوب اوقونه جق و بحق استفاده اولنه جق کتب » و رسائل نشرینه موفقیته حقیقه لر ی بنده کزی اوتهدن بری معارفه » عالیرینه جدأ آرزو کش ایتش اولدیغندن بروسبله و بهانه یه منتظر ایکن » بوقشام برنعت غیر مترقبه اوله رق ید افتخارمه واصل اولان تذکره » نخریرانه لر ی نهایت درجه ده محظوظیت و مسروریتی موجب اولمشدر . » بنده کزی تنزلاً محررین عثمانیه زمره سنه داخل ایدوب کندیلرینه نام » و اشکال و تصویرلری اهل مطالعه ک مالی اولان ایدادن عیبورمق » استیه رک بوباده رضای بندکانه مه حاجت برافقیزین شخص و یازبخانه » و کتبخانه عاجزانه مک رسمی آلتی آرزو بیورمش اولدیغکزدن بوتوجه » نقایص پوشانه لرینه قارش ی عجزی و بویله برلطفه عدم استحقاقی مدافعه یه » جرأت ایده میه حکم . لکن هیات ! بنده خانه ده ترسیمه شایان برحاله » تصادف ایدلیه جک ، پک پڑمرده و غیر منتظم برحال پریشانی مشاهده » بیوریله جقدر . بونی ده برمدار افتخار عد ایده جک آدم لر بولنه بیلر سده » بنده کز هیچ بروقت پریشانی انتظام و مکملته ترجیح ایده میه جکمدن » نتیجه تسبب و مسکنت اولان بوحال ایلله افتخار ایدم . لکن هر حاله » رسک اک مکملی مسرومی اولدینی کبی تصویر ایدنی اوله جفنده شبهه » اولدیغندن بوعاجز کبضاعه نکده ترسیمه شایسته برحالی وار ایسه اوده » تسبب و مسکنتی اولدینی ارباب مطالعه نک معلومی اولورسه برحقیقت » میدانم چیقمش اولمازی ؟ بنده کز ایچون اصل جالب فخر و تشکر ذات » عالی ادیبانه لر یله کسب معارفه یه نائلیم اولوب امر عالیرلری اوزره یارین » ساعت اوچده و یا هر نه ساعتده آرزو بیوریلورسه تشریف لرینه منتظم » باقی توجهات علیه لرینک بقاسیله ختم کفتار ایلرم اقدم .

سامی

فی ۲۶ ذی القعدة سنه ۱۳۱۳

تأمین ایدرم که بوتذکره یی دست افتخاره آلدیغم زمان حاصل ایتدیکم مسروریت شرمسارانه یی هیچ بر زمان اونوته میه جغم . زیرا بوتذکره ده حیات نخریرانه و ساعیانه لرینی ارانه ایده جک رسملرله غزته مزک ترینه مساعده ایلکله برابر برچوق التفات استادانه ده صرف ایتشدری ؛ درجه اقتدار و موقعه یی پک اعلاتعین ایدنلردن اولدیغمز ایچون صرف اثر تشویق و ترغیب اوله رق قلم نزا کترلندن چیقان کلمات ملتفتانه — جوابنامه فاضلانه لرینه ال سورمک حدیث اولدینی ایچون — عیناً درج ستون مغفرت قلنمشدر . جوابنامه یه دسترس اولدیم کون ، حیران اثارجدیة علمیه لر ی اولدیغمز محرریکانه نک — اوت ، سامی پک افندی حضرتلری محررین عثمانیه میاننده جدیت و اهمیت اثار ایلله حقیقه یکانه در — برقاچ ساعت صکره شرف ملاقاتنه ، او اثارک موقع حصوله کلدیکی حجره فاضلانیه یی مشاهده یی موفق اوله جمی دوشوندکجه صوک درجه ده سونبوردم . فوطوغرافیا ماکنه سی بیوک براعتنا ایلله حاضرلادم ، جاملری طاقدم ، او کوئی تام ساعت اوچ ایدی که سواقغه چیقندم . برقاچ دقیقه صکره اقامتگاه استادک اوکنده بولنیوردق ، مسروریتدنمی ، یوقسه فرط حرمتدنمی ، خلجانم زیاده ایدی . بنی واسع براوطه یه ادخال ایتدیلر . هنوز اطرافه برکوز کزدیرمه مش ایدم که سامی پک افندی حضرتلری برجذیت فوق العاده ایلله متمتع تبسم ملتفتانه ایلله ایچری کیردیلر ؛ بنده کمال اشتیاق و حرمت ایلله اللرندن اوپدم . صور دیلر که :

ضیاع الیم

مرحوم شمس الدین سامی پک

شمس الدین سامی پکک ارتحالیه مطبوعات عنایه و بتون عالم علم و معرفتمز غریق یأس و المدر . شمس الدین سامی پک آثار یله بتون منتسبین معرفت و کمالی کندینه محتاج و منتدار براقشیدی ... خلل ناپذیر سعی و غیرت تمادیه سیله اک چالیشقان محررلری حاله حیران ایتشیدی ... پاک و ساده وجدانیه کندینی طانیانلرک کافه سنی ذاتنه مجلوب ایلشیدی ؛ مسکندمه کی اخلاقنده کی ، فطرتنده کی علویت ، محویت و صافیت قارشیدنه هر کس بلا اختیار او کافوق العاده بر حسن حرمت حاصل ایتشیدی ؛ فضل و کمالک ، ناموس و اخلاقک بر بیوک برهان علوی اولان شو موفقیته ارباب علم و فقه دنیا ده نادراً نصیب اولمش بختیار لقلر دندر . بو محرر ناچیز یکر می اوچ سنه اول فرانسزجه یی ده اهنوز آ کلامغه اوغراشیرکن دفع مشکل ایچون ایوم غیوبت ابدیه سنه اغلا دیغمز عالم مرحومک لغتندن بشقه بر کتاب مراجعت کورمه مشیدی . درس لریمی اولغت کتابی سایه سنده حاضر لیه بیلدیکم کبی محررک سلکنه هوس ایلدیکم زمان ده یازده جغم شیلری مأخذلرندن طولیلامق ، ترجمه ایلله حکم اثرلری تکمیل آ کلامق ایچون شمس الدین سامی پکک قاموس فرانسویسندن بشقه مدرسم یوق ایدی . ایشته بومنت تلمیذانه ایلله حاصل ایتدیکم حسن حرمتی تا ۱۳۱۲ سنه سنه قدر صاقلادم ، ملیح و پر نور چهره سنی اوزاقدن کوردکجه درین بر نظر تقدیر و شکرانه کندیسنه باقاردم . تمام بوزمانلرده ایدی که مشاهیر استادان عثمانیه نک حیات ساعیانه لر ی حقنده « ثروت فنون » ده انظار قارئینه معلومات و یرمک ارزوسی حاصل اولدی ، جریده کترانه نامنه مرحوم مشارالیه مراجعت ایدرک ۲۷۵ نومرولی نسخہ یی رسملری و ترجمه حال لر یله تربین ایلشیدم .

سکز سنه اول فضل و عرفان لرینی ، اخلاق و مسکندرینی عاجزانه ستون تصویر و تقدیره آلان ثروت فنون بوکون او استاد شهر و محترمزک غیوبت ابدیه سنی یازمق مجبوریت الیمه سنده قالدیغندن دولایی صوک درجه مأیوس و مکدر در . بوسطرلر درین بر حسن الم واضطراب ایلله یازلدی ، قلمم کاغذ اوزرنده یوررکن کوزلرم یشارمقدن ، دومانلماقدن خالی قابور ایدی ، اود مانلر ایچنیده استاد شهرک چهره متبسم و پر نورینی کوریورم و بکا ، حجره اشتغالی زیارتمده کی طور ملتفتانه و نازکانه سیاه باقه رق ، آهنکلی و منتظم صداسنی حال ایشیدیورم صانیوردم ؛ حیاتمه نجه غایت قیمتدار بر خاطره تشکیل ایدن بوزیارتی